

予昆莫令長守於西城昆莫收養其民政旁小  
邑控茲數萬習攻戰單于死昆莫乃率其衆遠  
徙中立不肯朝會匈奴遣奇兵擊不勝以  
爲神而遠之因羈屬之不大攻今單于新困於  
漢而故渾邪地空無人蠻夷俗貪漢財物今誠  
以此時而厚幣賂烏孫招以益東居故渾邪之  
地與漢結昆弟其執之宜聽聽則是斷匈奴右臂  
也既連烏孫自其西大夏之屬皆可招來而爲  
外臣天子以爲然拜騫爲中郎將將三百人馬  
各二匹牛羊以萬數齎金幣帛直數千巨萬多